

## Das Großsteinhausenlied

In Gedanke sieh ich dich vor mir,  
de Ort wo ich nie vegesse will.  
Wo mir Pänz gespielt, uf em Sportplatz vum SVG,  
wo die Erschd schun so manscher Siesch erkämpft.  
Un schun öfters hann mir die Meschderschaft begoss,  
bei uns im Sportheim is schun viel gefloss.  
Mensch was is es scheen in unserm Ort se sinn,  
do bei uns in Großsteinhause.

Wie in jedem Jahr is die Feierwehr ah do,  
un die helfe dir net nur wens brennt.  
Die sinn beim Brunnefeschk do un beim Martinsfeschk allemohl,  
un am 6.12. bringe se de Nikolaus ins Dorf.  
Dann es Feierwehresch wo so manscher sich druff freid,  
Wo die Leid de dorschd im Wehrhaus bekämpfe.  
Mensch was is es scheen in unserm Ort se sinn,  
do bei uns in Großsteinhause

Unn wo wäre mir wenn die GA net wär,  
jo dann däde mir uns noch bei uns velaafe.  
So steht an jedem Weg der um Großsteinhause geht,  
Bunde Schilder un die Bänk uf denne mir raschde.  
Un es Dorffeschd wehr warscheinlich nie enstanne,

Würde die Leid do net so gut zusamme halle.  
Mensch was is es scheen in unserm Ort se sinn,  
do bei uns in Großsteinhause.

Un in jedem Jahr is im Oktober a scheenes Feschd,  
die Kerb gebt do jedem de Reschd.  
Fa uns is des die schenschk Zeit im Jahr,  
e rischdischer Steenhauser is fa die Kerb gebor.  
Völlisch los gelöst Danze mir do uf de Dische,  
bis Dienschdas dun mir alles ufmische.  
Mensch was is es scheen in unserm Ort se sinn,  
do bei uns in Großsteinhause.

Un kommt dir was in die Quer , do im Ort helft ma da geer,  
Laafts Audo net dann gehsche halt zum Wachner.  
Is de Tank marot, helft de Tretter dir in Not,  
un de Klaus grabt de Tank dir notfalls aus.  
Griesche kalte Fieß ruf de Gerd, de Erich, de Rolf zur Hilf,  
und wenn de Wirbel zwickt geh zum Sabine Wagner.  
Mensch was is es scheen in unserm Ort se sinn,  
do bei uns in Großsteinhause.

Sinn die Zebeächel grumm, kimmert sichs Sabine drumm,  
hasche die Freck ganz stark dann helft de Hopperath.  
Is die Sää ganz stump feilt de Maske gern dran rumm,  
un beim Sonja kannsche dir die Fluitte mojns kaafe.  
Uf de Fluitte basst gewiss die Worschk vun unserm Fritz,  
Un fa de Sellefriede do hann mir zwee Kersche.  
Mensch was is es scheen do in dem Ort se sinn,  
do bei uns in Großsteinhause.  
Mensch was is es scheen do in dem Ort se sinn,  
do bei uns in Großsteinhause.